

莊子通義

莊子卷第六 參元朱得之傍

附錄塘楮伯秀

外篇

雲谷王潼錄校刊

刻意第十五

刻意尚行。離世異俗。高論怨誹。爲亢而已矣。

此山谷之士。死而無悔非世之人。枯槁_{死而無悔}赴淵者之所好。

也。語仁義忠信。恭儉推讓。爲修而已矣。此平

世之士。教誨之人。遊居學者之所好也。語大

功。立大名。禮君臣。正上下。爲治而已矣。此朝

廷之士。尊主疆國之人。致功并兼者之所好也。就數澤。處間曠。釣魚間處。無爲而已矣。此江海之士。避世之人。閒暇者之所好也。謂此一途吹呶呼吸。吐故納新。熊經鳥申。爲壽而已矣。此道引之士。養形之人。彭祖壽考者之所好也。若夫不刻意而高。無仁義而修。無功名而治。無江海而間。不道引而壽。無不忘也。無不有也。澹然無極。而衆美從之。此天地之道。聖人之德也。故曰。夫恬惔寂寞。虛無無爲。此天地之

平。而道德之質也。故曰。聖人休休焉。則平易

矣。平易則恬惓矣。平易恬惓。則憂患不能入。

邪氣不能襲。故其德全而神不虧。故曰。聖人

之生也。天行。其死也。物化。靜而與陰同德。動

而與陽同波。不爲福先。不爲禍始。感而後應

迫而後動。不得已而後起。去知與故。循天之

理。故無天災。無物累。無人非。無鬼責。其生若

浮。其死若休。不思慮。不豫謀。光矣而不耀。信

矣而不期。其寢不夢。其覺無憂。其神純粹。其

魂不罷。虛無恬惔。乃合天德。故曰悲樂者德

之邪。喜怒者道之過。好惡者德之失。故心不

憂樂。德之至也。一而不變。靜之至也。無所於

忤。反虛之至也。不與物交。淡之至也。無所於逆。

粹之至也。反故曰。形勞而不休則弊。精用而不

已則勞。三字衍勞則竭。水之性。不雜則清。莫動則平。

數使生機內鼓鬱閉而不流。亦不能清。天德之象也。故曰。純

粹而不雜。靜一而不變。淡而無爲。動而以天

行。此養神之道也。故論夫有干越之劍者。桺而藏。

之不敢用也。寶之至也。精神四達並流。無所
不極。上際於天。下蟠於地。化育萬物。不可爲
象。其名爲同帝。純素之道。惟神是守。守而勿
失。與神爲一。一之精通。合于天倫。野語有之
曰。衆人重利。廉士重名。賢士尚志。聖人貴精。
故素也者。謂其無所與雜也。純也者。謂其不
虧其神也。能體純素。謂之真人。

釋義 此章大意只是貴精養神。誠哉學莊之
學者。擬而爲之也。善讀者因言可以知人。
體休 休休和樂貌。故平易恬惓。憂邪莫干以
其德全。而神不虧也。天行言一氣之運。物化

言一氣之散卽同德同波之謂福先猶不可爲況禍乎感而應迫而動言不得已而應物其應出於無心雖爲而實無爲也夫知與故則無知無事循天之理則順乎自然天災旣無物累自免人非不及免責何來故能生浮死休思斷謀絕若美玉之含德天時之有經也寢不夢則覺無憂神純粹則魂何勞是謂虛無恬憺乃合自然之德心譬則鵠也情譬則矢也衆矢越一鵠鵠能無中乎今人立乎教中而不思爲避竊計欲其德全而神不虧也難矣養神之道貴在無爲故喻水之清平寂而常照及其動也法天行之健而蟠際乎兩間實本於不雜不變無爲而已此照而常寂也精用則勞竭所以貴乎靜鬱閉不能清所以貴乎動然於非靜非動不卽不離之間而妙道存焉其爲貴也豈但于越之所寶而已哉同帝則與天爲一天卽神也故其精通合乎天理至此又不可以天道人道分矣卒

引野語爲證歸於貴精而結以能體純
系體之則俱化矣非真人孰能與於此

指氏總論是篇以刻意命題謂刻礪其意
達世矯俗苦節獨任爲天下所不能爲而
觀人之從已無異乎穿井絡馬失其自然
知長德消民始難治矣故南華歷敘古人
立志各異若夷齊之爲亢孔孟之爲修伊
傳之爲治巢許之爲閒老彭之爲壽以礪
觀之似亦不能無偏然而不失爲聖者以
其有爲而不累於有無爲而不溺於無因
時之可否爲身之利用而已是以貴夫虛
無無爲平易恬惓天行物化同德同波知
故不畱動合天理則災累非貴何從而至
死生謀慮何由而消哉夫如是故靜虛恬
粹與物無忤卒歸於養神之功而中以樞
藏于越之喻錫之於身輕重爲何如其去
取灼然可見而世人猶昏迷若此故其立
論始於非刻意尚行之習而終於能體純

素謂之真人則知刻尚者之為假也明矣
蓋養生以純素為本純素以守神為先至
於神氣為一則道之大本既立又何必區
區於其末而以刻意尚行為哉南華所以
言此者蓋欲矯當時學者之偽習俾安其
性命之自然復平道德之純素而已矣

繕性第十六

集註

繕性於俗

欲誤

學以求復其初

沉沒

滑欲於俗思

以求致其明

欲

謂之蔽蒙之民

物修

古之治道者以

恬養知生

無為定神

並平

而無以知為也

不用

謂之以知養恬

無

知

與恬交相養

和

而和理

行

出其性

和以應物之條理

夫德和也

道理

也德無不容

又

仁也

道無不理

亦

義也

義明而物

也

親忠也。中純實而反乎情。樂也。信行容體而

順乎文禮也。禮樂偏行。則天下亂矣。彼正而

蒙已德。德則不冒。冒則物必失其性也。古之

人在混芒之中。與一世而得澹漠焉。當是時

也。陰陽和靜。鬼神不擾。四時得節。萬物不傷。

羣生不夭。人雖有知。無所用之。此之謂至一。

當是時也。莫之為而常自然。逮德下衰。及燧

人。伏戲始為養下。是故順而不一。德又下衰。

及神農黃帝。始為天下。是故安而不順。德又

及神農黃帝。始為天下。是故安而不順。德又

下衰及唐虞始為天下興治化之流濞其淳

散朴其離道以善不平易險德以行然後去性而從於

心人心與心識知而不足以定天下然後附之

以文益之以博文滅質博溺心然後民始惑

亂無以反其性情而復其初由是觀之世喪

道矣大道喪世矣習俗世與道交相喪也人心道之人何

由興乎世世亦何由興乎道哉道無以興乎

世世無以興乎道雖聖人不在山林之中其

德隱矣發上起下之隱故不自隱人不能知古之所謂隱士者非伏

其身而弗見也。非閉其言而不出也。非藏其

知而不發也。時命大謬也。當時命而大行乎

天下。則反一無迹。不當時命而大窮乎天下

則深根寧極而待。此存身之道也。古之存身

者。不以辯飾知。不以知窮天下。不以知窮德

危然處其所。而反其性已。又何爲哉。道固不

小行。德固不小識。小識傷德。小行傷道。故曰

正已而已矣。樂全之謂得志。古之所謂得志

者。非軒冕之謂也。謂其無以益其樂而已矣。

今之所謂得志者。軒冕之謂也。軒冕在身。非

性命也。物之儻來寄也。寄之其來不可圉循拒其

去不可止。故不為軒冕肆志。不為窮約趨俗。

其樂彼與此同。故無憂而已矣。今寄去則不

樂。由是觀之。雖樂未嘗不荒也。故曰喪已於

物。失性於俗者。謂之倒置之民。

通義

此章原後世失其天性。至於名實紕謬

之故。是謂俗學偏蔽。開其蔽而真挽其趨。索

何隨時順應。要於不失已而已。繕性於浴東

於教也。生而無以知為者。生其心而無所生

也。彼正而蒙已德者。守格式而昧其真心。則

不足以庇物。強欲為天下庇。則萬物皆生。

性矣順而不一者起心欲順便自不一不
故不安求安必不順沿流忘本是生法度也
心與心識上下彼此以心識相角卒至於亂
時之不可止也反一無跡守其真淳與民相
忘於無事也深根潛龍在淵寧極萬籟俱寂
智窮天下以知巧壓服人心知窮德以已之
所明者推極於言行之間求無滲漏是有心
造作非率性之自然也此章聲氣體裁皆類
東漢蓋因莊子少仁義而恥禮樂故原仁義
禮樂之初起於良心而徇名失本者之基亂
也君子思不出其位無所待也今日深根寧
極而待卽此一待有爲而爲非天德非王道
矣根不深寧不極矣杳冥之幾
聖在哉判豈莊子之心聲哉

義諸解並以俗學立說陳碧虛照張君房
校本學上無俗字其義簡明言性本自然不
假修學今之學者貴乎日益以要世譽是治
性於俗也而猶所苦進學以求復性初博而

無要真愈失矣貪著愛憎沉迷不反是滑於俗也而猶深思曲慮以求致其清明知竭精勞清愈遠矣凡人非天縱之資固不可以無學學者所以涵養性天發其慧照以古人之成績印我心之同然期於還淳復本而已非開人鑿竅以益其知見增其雜毒之謂也夫人性無有不善亦不能無欲率性以道則欲出於正如飢食渴飲寒衣倦息之類滯性於俗則欲出於邪食必珍飲必醇衣必華息必縱是也欲入乎邪則性失乎善溺於流俗浸遠乎道矣道以恬淡爲貴俗以華競爲先學非其學思非其思人心道心之所以分上善大惡之所以立也惟絕學無思乃可復性初而致清明柰何外學以雜之妄思以障之是以學日益而真日損思日煩而道日踈此真人之所哀也若夫全然天性而不爲俗所滯者本物不期復而復正性之欲而不爲俗所滑者清明不期致而致惟道集虛故也語云

學而不思則罔思而不學則殆是學與思者
聖賢實之以進修而南華不取何邪蓋賢者
以內學爲學近思爲思聖人以絕學爲學無
思爲思所以異乎世俗多聞博識之學也由
內學而至於絕學由近思而至於無思聖賢
之能事畢矣恬主靜知主動靜生潤動生炎
炎潤得中而和理出焉和者德之粹理者事
之宜二者皆吾性中物非由外爍也世人知
恬不能交養動靜所以或偏利害相摩生火
焚和而真性虧矣惟知道者動靜不越乎道
應物而不藏存恬以養知知生而不用又所
以養恬性極平和事盡其理而天地之和應
矣此修身以及天下之明驗也後敘仁義忠
禮樂忠字詳郭註成疏皆當是中治道至於
尚禮樂則愈下矣所以亂繼之禮樂非能亂
世而繼之者不能無亂勢使然也若能由禮
樂而躋乎仁義由仁義以歸乎道德斯爲彌
禍亂而致隆平之術也歟原夫鬼神守其幽

萬物遂其性至於人有知而不用非在混茫
而得濬漢能如是乎此之謂至一言上古君
德真淳民心無二也逮德下衰有逆之者故
以順天下爲心則離乎至一矣有撓之者故
以安天下爲心則忤其真性矣下至唐虞興
治化以散淳朴離道德而爲善行則去性愈
遠以心識心用知不足附以文博是猶抱薪
而止火也已之性情猶不能自得其如天下
何南華論唐虞之世已離道若此蓋上古淳
質猶嬰兒之未孩次則能言笑喜怒由茲已
降喜怒哀樂交乎中茲許機險形於外觀其
還淳復朴不亦難乎今欲澄源而清流故以
伏戲燧人例在德衰之列則其所期望者躋
民於太古之上而有德無位惜哉詳夫世道
交喪之誥意甚可悲真人超出世累固未必
以一己之遇不遇介懷此特爲世道而言亦
悲人之悲耳究其極致又有足以解人之悲
者能於言下以至理燭破則處窮如通視冥

諺而安之故德隱身不隱雖處亂世而和光
同塵害莫能及今之隱士竄身避地名隨進
彰不安其所故有行惟而召譽者反一無迹
則明道若昧深根寧極則良賈若虛所謂隨
時隱顯能龍能蛇則此身何往而不存此道
何時而不可哉文中子天隱人隱之說蓋原
於此辯知者戡身之只故存身者不取焉夫
上之德歸於玄默無知而已魏言獨立不
羣處其所謂靜定於此足以反其自然之性
何必他求哉小行小識形容所見者小故爲
道德之累大人者正已而物正則至樂全而
本志得惟其性命足重於內是以軒冕可輕
於外儻來暫去付之無心若寄去而憂者寄
來則必樂樂必荒矣已因物而喪性因俗而
失則冠履倒施欲化天下之民也難矣行身
當是存身
危當是巍

褚氏總論是篇主意謂人無超軼絕塵之見而苟徇世緣漸失其本皆縈性溺欲於俗者也雖未爲顯惡而妨道爲尤甚況又並之以外學亂之以妄思而欲復初致明是猶適郢而北其轅也真人又慮學者憚其虛無渺茫無所致力設爲恬知交養之論使人易入焉夫人處世間酬接應變不能忘知知用則害恬要在審酌其宜處之以道事來則知見事去則恬存久久調熟二者俱化精神魂魄融爲至和符性命於希夷歸道德之根本由是而充之與一世之人處混茫而得澹漠雖有知而無所用則其爲化也博矣奈何政失淳和俗趨浮薄離道險德滅質溺心至於世道交喪而不可復也然後有山林之聖人深根寧極以期旦暮之遇存身所以存道也寄之去來無容休戚於其間尙何以知辨爲而其樂全志得有超乎軒冕之榮者人患不知

求耳此聖賢處事以自全之道也南華心事亦槩見於此云

秋水第十七

秋水時至百川灌河涇流之大兩涘

音渚崖

之間不辯牛馬於是焉河伯欣然自喜以天

下之美爲盡在已順流而東行至於北海東

面而視不見水端於是焉河伯始旋其面目

海神名

望洋向若而歎曰野語有之曰聞道百以爲

莫已若者我之謂也且夫我嘗聞少仲尼之

聞而輕伯夷之義者始吾弗信今我睹子之

難窮也。吾非至於子之門，則殆矣。吾長見笑於大方之家。北海若曰：井鼃不可以語於海者，拘於虛也。稱虛者也夏蟲不可以語於冰者，篤於時也。曲士不可以語於道者，束於教也。今爾出於崖涘，觀於大海，乃知爾醜，爾將可與語大理矣。天下之水，莫大於海，萬川歸之，不知何時止而不盈；尾閭泄之，不知何時已而不虛。春秋不變，水旱不知。此其過江河之流，不可爲量數。而吾未嘗以此自多者，自以比形於

天地而受氣於陰陽。吾在於天地之間。猶小

石小木之在大山也。方存乎見少。又奚以自

解太目少

多。計四海之在天地之間也。不似礪

力罪反

空

之在大澤乎。計中國之在海內。不似稊米

之在太倉乎。號物之數。謂之萬人。處一焉。人

卒九州。穀食之所生。舟車之所通。人處一焉。

此其比萬物也。不似毫末之在於馬體乎。五

帝之所連。三王之所爭。仁人之所憂。任士之

本府師

所勞。盡此矣。伯夷辭之以爲名。仲尼語之以

爲博。此其自多也。不似爾向之自多於水乎。

河伯曰。然則吾大天地而小毫末可乎。北海

若曰。否。夫物量無窮。時無止。流行不息分無常。終始無

故。是故大知觀於遠近故。小而不寡。大而不

多。知量無窮。證符鄉今故。故遙而不悶。撥而不

跂。知時無止。察乎盈虛。故得而不喜。失而不

憂。知分之無常也。明乎坦途。故生而不說。死

而不禍。知終始之不可故也。計人之所知。不

若其所不知。其生之時。不若未生之時。以其

至小求窮其至大之域。是故迷亂而不能自得也。由此觀之。又何以知毫末之足以定至細之倪。也。又何以知天地之足以窮至大之域。河伯曰。世之議者皆曰。至精無形。至大不可圍。是信情乎。北海若曰。夫自細視大者不盡。自大視細者不明。夫精小之微也。埒。音平。又音哀。大之殷也。成。故異便。此勢之有也。夫精粗者。期於有形者也。無形者。數之所不能分也。不可圍者。數之所不能窮也。可以言論者。物之粗

也可以意致者。物之精也。言之所不能論。意之所不能察致者。不期精粗焉。是故大人之行。不出乎害人。不多仁恩。動不爲利。不賤門隸。貨財弗爭。不多辭讓。事焉不借人。不多食乎力。不賤貪汙。行殊乎俗。不多辟異。爲在從衆。不賤佞諂。世之爵祿不足_定以爲勸。戮恥不足以爲辱。知是非之不可爲分。_誤細大之不可爲倪。聞曰。道人不聞。至德不得_誤。大人無已。約分_然之至也。河伯曰。若物之外。若物之內。惡

至而倪貴賤惡至而倪小大北海若曰以道
觀之物無貴賤以物觀之自貴而相賤以俗
觀之貴賤不在已以差觀之因其所大而大
之則萬物莫不大因其所小而小之則萬物
莫不小知天地之爲稊米也知豪末之爲丘
山也則差數覩矣以功觀之因其所有而有
之則萬物莫不有因其所無而無之則萬物
莫不無知東西之相反而不可以相無則功
分定矣以趣觀之因其所然而然之則萬物

莫不然。因其所非而非之。則萬物莫不非。知
堯桀之自然。而相非。則趣操覩矣。昔者堯舜
讓而帝。之。噲讓而絕。湯武爭而王。白公爭而
滅。由此觀之。爭讓之禮。與具堯桀之行。貴賤有時。
未可以爲常也。梁麗可以衝城。而不可以窒
穴。有用言殊器也。能大騏驎驕。一日而馳千里。捕鼠
不如狸狌。言殊技也。鷗鵂夜撮蚤。察豪末。天原
出瞑目而不見丘山。言殊性也。故曰。蓋師是
而無非。師治而無亂乎。是未明天地之理。

物之情者也。是猶師天而無地。師陰而無陽。

其不可行明矣。然且語而不舍。非愚則誣也。

帝皇殊禪。前三代殊繼。差其時。逆其俗者。謂之

篡夫。當其時。順其俗者。謂之義之徒。默默乎

河伯。女惡知貴賤之門。居人小大之家。居北河伯曰。然

則我何爲乎。何不爲乎。吾辭受趣舍。吾終柰

何。北海若曰。以道觀之。何貴何賤。通是謂反衍。

無拘而志。志拘與道大蹇。蹇何少何多。是謂謝施。無

一而行。行與道參差。參嚴乎若國之有君。其無私

德繇繇乎若祭之有社其無私福泛泛乎其

若四方之無窮其無所畛域兼懷萬物其孰

承翼是謂無方蓋以萬物一齊孰短孰長道無終

始天壽不究物有死生不恃其成一虛一滿不位乎其

形年不可舉時不可止消息盈虛終則有始

是所以語大義之方論萬物之理也物之生

也若驟若馳無動而不變無時而不移何爲

乎何不爲乎夫固將自化河伯曰然則何貴

於道邪北海若曰知道者必達於理天然物自達於理

者必明於權明於權者不以物害已至德者

火弗能熱水弗能溺寒暑弗能害禽獸弗能

賊非謂其薄之也言察乎安危寧於禍福謹

於去就莫之能害也故曰天在內人在外德

在乎天知夫天人之行本乎天位乎得德

蹢躅而屈伸反要而語極曰何謂天何謂人

北海若曰牛馬四足是謂天落馬首穿牛鼻

是謂人故曰無以人滅天無以故滅命無以

得德殉名謹守而勿失是謂反其真

通義

此承上章小識小行之意而明其病于道德也大率模倣首篇鯉鵬之論而枝葉加繁中間自細視大一段意亦精到可語大理卽下文大義之方萬物之理觀此結構豈能繼莊者哉遙而不問二句外物不動於心也之喻讓在戰國時稱曰昔者則非孟子同時矣北海若曰以道觀之一段去莊不遠反衍猶曰反復凡物有餘則復迴也儼乎若有君一段與仲弓問仁章意相似不位形形日衰而不定居也年不舉夭壽不可預論也位乎得無以得狗名二得字強解亦可通但不若德字爲平易耳謹守而勿失雖承上三句何能反真卽此一言斷非莊

莊子

胥餘義皆明不贅

爲言故秋至而河伯欣然東至海則望洋而歎無怪乎海若者引井蛙夏蟲之喻體形容比海之大不可量數然計四海之在天地中

之在四海奚啻馬體一毫末則安知天地
之外不有大於天地者乎故是篇借河海問
答以明小大多少之分與鵬鵬鵬鵬之論相
類文體機軸變換愈奇海若首答大意在曲
士束於教欲有以祛其自多之謬使爲大方
之歸而已矣辨論極致詳于後人能知夫物
量時分之無常又何終始小大多寡之足觀
哉明今古之不停則此理自可見矣遙謂歷
時之久擬謂推移之速不閱無厭其所生也
不敗無求益其生也修短定分安之而已人
固不能無生不能無知而經云不若無知不
若未生者蓋爲世人不務真知而求妄知不
務全生而求益生以有限而追無窮忘素分
而希分外在己之利害不能自明何以定物
理細大之倪域哉不若無知王倪對齧缺之
問是也不若未生觸髅不顧人間之勞是也
然既生既知矣將何以自免曰能以無生爲
生不知爲知則於吾生何累於知何有哉自

細視大至於不盡而止非大止於此也自大
視細至於不明而止非細而無形也精者細
之極浮者大之盛小大雖殊皆有形有數故
有成壞精至於無形大至於不可圖則非形
可定非數可分故無成壞也夫物之粗者可
以言論精者可以意致超乎精粗則言意所
不能及也言意不能及形數不能分者其惟
道乎故大人以利物爲先而不以仁恩自多
不爲利動而不賤趨利之人此下皆述夫人
之行異乎世俗以至佞諂亦不賤之則君子
小人聽其兩行是非小大不足爲辨又何爵
位戮恥之足爲勸懲哉由是知大人虛已而
道德自歸非越分而求也夫道德至貴也求
之分內而足則亦至易也今世人乃棄內而
求外舍易而趨難不亦惑乎物無貴賤已物
兼忘也自貴而相賤彼此未忘也貴賤不在
已忘已任物也因大而大因小而小卽物所
宜也以至功趨之有無知非相反而不可以

相無則物理人情於斯可見矣故爭讓之迹
善惡之行貴賤有時而未可以爲常猶殊器
之異用殊技之異能殊性之異便不可一槩
論也若師治而無亂師陰而無陽明乎天地
萬物之理者不然也禪繼順逆各因其時而
已汝必不多言也縱使言之僅論其迹耳又
惡知貴賤小大之所從出哉欲知貴賤小大
之所從出者當於未始有物求之河伯未明
天理物情則猶有所疑復以辭受趣舍爲同
海若告以世間所謂貴賤少多是其一反一
行一謝一施耳若拘志而一行與道差蹇矣
若君之於民德無不被杜之於人福無所私
明道之無方而兼懷萬物也物之有生乃形
化之一變非道之終始也故成毀無常處之
惟一不以形名爲定而守之惟虛其去不可
止其來不可禦萬物盈虛之理如斯而已矣
物生若馳其機不息任其自化無容爲不爲
於其間況辭受趣舍乎此言應物貴乎無心

則死生不足爲累也。自篇首至此凡六問答。如風驅遠浪漸近漸激至是而雪濤噴薄使人應接不暇須臾澄靜則波光萬頃一碧涵天。人之息僞還真中尙虛湛者有類於此。夫至德之士由人以明天因權以達理察安危謹去就物孰能害之然亦未嘗恃此而傲也。天在內所以立體人在外所以應用德在乎天則合乎神而無方不測者也。體天居德則屈伸從世反與語極則弗失其真若然則處已處人之道盡矣。故河伯心冥體會而無所復問焉。今學者自信不及羣疑窒心與河伯同病者不少儻能於海若言下豁然有省如雲開見月則昭昭靈靈求諸已而足何暇他問哉。

夔憐虵

音賢

虵憐蛇

蛇憐風

風憐目

目憐心

心

夔

夔

謂虵曰

吾以一足

踞

物稟

踞

救角

而行

子無

謂

矣。今子之使衆足，獨柰何？蜺曰：不然。子不見夫嚙者乎？噴則大者如珠，小者如霧，雜而下者不可勝數也。今子動吾天機而不知其所以然。蜺謂蛇曰：吾以衆足行，而不及子之無足，何也？蛇曰：夫天機之所動，何可易邪？吾安用足哉？蛇謂風曰：予動吾脊脅而行，則有似也。今子蓬蓬然起於北海，蓬蓬然入於南海，而似無有，何也？風曰：然。予蓬蓬然起於北海，而入於南海也。然而指我則勝我。踏踏也舊作

我亦勝我。雖然。夫折大木。蜚大屋者。惟我能也。故以衆小不勝爲大勝也。爲大勝者。惟聖人能之。

通義此言天機之在萬物各有自然之分非故美畔援所能與又解河海之校量也與大勢大釋之義相近彼言素位此言顧外故有勝負相形亦與莊意相左變無角一足而行紀在山游經目力乘虛高則天象達則山林一舉目而見勝於風矣心則轉盼之間而再撫四海其出其入絕無聲臭尤勝於目中論遺之者心目歸諸聖人也目猶囿於形心則非形所囿矣不疾而遠不行而至無可形故不言且欲人致思於此得其無所校量而成大勝也

夢游河伯海若問答既畢南華又自立說以
衍前意云夔虺蛇以足之少多有無相憐是
著於體也心與目之以內外勞逸相憐是著
於用也皆物之妄情耳惟風有體有礙而實
無體乃能成大勝有用則動化萬物無用則
蓬蓬入海蓋嘘吸莫非造化之運而已喻聖
人屈伸從世體用兼資出處兩全終不失道
人見其小不勝而輕易之及積而爲大勝則
不止乎拔木蜚屋而已豈有心於勝物哉天
機所動自然而然視彼河伯海若貴賤少多
大小精粗之論亦如異類之以妄情相憐而
不悟物物皆具自然之理無容憎愛於其間
也夫形數之少多行止之遲速各安其自然
則莫不足乎道此聖人處世所以無往而不
適也或疑後文細述相憐之義至風而止憐
目憐心之旨遺而不論疑獨結以有心有目
然後有所憐其說得之

孔子遊於匡。宋人圍之數匝。而弦歌不憚。子路入見曰。何夫子之娛也。孔子曰。來。吾語女。我諱窮久矣。而不免。命也。求通久矣。而不得。時也。當堯舜而天下無窮人。非知得也。當桀紂而天下無通人。非知失也。時勢適然。夫水行不避蛟龍者。漁父之勇也。國材詩按陸行不避兕虎者。獵夫之勇也。白刃交於前。視死若生者。烈士之勇也。知窮之有命。知通之有時。臨大難而不懼者。聖人之勇也。教子語也由處矣。吾命有所制。

矣無幾何將甲者進辭曰以爲陽虎也故匿

之今非也請辭而退

通義此言入軍不被甲兵以實秋水篇前知
安危等意而栗之以時命以見君子之所守
也匡濟邑去宋甚遠疑宋卽匡君子於貧賤
不以其道得之則安處而不去知命有所制
也故曰由處矣勉
其安於所遇也

通義此言明死生有命窮通有時故君子不
立嚴將之下亦不求生以害人臨大難而不
懼知命有所制則盡入事於平日安天命於
此時而已蓋內得其至富至貴者則外之窮
通利害不足以動其心卒致將甲者知非請
辭而退有以見人不勝天而以弱制強之驗
也非聖人燭理之微
自知之明何以與此

公孫龍問於魏牟曰。龍少學先生之道。長而明仁義之行。合同異。離堅白。然不然。可不可。困百家之知。窮衆口之辯。吾自以爲至達已。今吾聞莊子之言。沾焉異之。不知論之不及與。知之弗若與。今吾無所開吾喙。敢問其方。公子牟隱機大息。仰天而笑曰。子獨不聞夫埴音次井之鼃乎。謂東海之鱉曰。吾樂與。吾跳梁乎井幹之上。入休乎缺甃之崖。赴水則接掖持頤。蹶泥則沒足滅跗。田視還音軒軒音與科斗。

莫吾能若也。且夫擅一壑之水。而跨時埳井之樂。此亦至矣。夫子奚不時來入觀乎。東海之罾。左足未入。而右膝已墊矣。於是逡巡而却。告之海曰。夫千里之遠。不足以舉其大。千仞之高。不足以極其深。禹之時。十年九潦。而水弗爲加益。湯之時。八年七旱。而崖不爲加損。夫塞爲頃久。推移不以多少。進退者。此亦東海之太樂也。於是埳井之鼃聞之。適適然驚。規規然自失也。且夫知不知。是非之竟。而

猶欲觀於莊子之言。是猶使螭負山。商蛇馳河也。必不勝任矣。且夫知不知論極妙之言。而自適一時之利者。是非埳井之蠹與。且彼方趾黃泉。而登大皇。無南無北。爽然四解。淪於不測。無東無西。始於玄冥。反於大通。子乃規規然而求之。以察。索之以辯。是直用管闕天。用錐指地也。不亦小乎。子往矣。且子獨不聞夷壽陵餘子之學行於邯鄲與。未得國能。又失其故行矣。直匍匐而歸耳。今子不去。將

志子之故失子之業公孫龍口呿反而不

合舌舉而不下乃逸而走

通義

魏牟公孫龍事列子籍中與此不同蓋

二子皆當時辯士互有得失故紀載若此列
在莊前或者牟龍二子學有消長故此優牟
而劣龍歟此章大意只是形容莊子之書不
易讀非得莊子之心不能讀也亦以申明小
行小識之傷道德者以愚論之莊子必不自
銜若此豈猶二戴之禮出於衆人之所記故
多攙入附會者乎邯鄲之行濶步麗容動人
觀而起人敬者國能猶曰國是言其行動之
態優於一國也失故步而匍匐者嬰孺學成
人之威儀則勞而至困力不

能支是以匍匐而志寡也

義海公孫龍趙之辯士能令同異離堅白困
百家窮衆口及聞莊子之言而茫然失措蓋

逐外學而忘本真者其患常若此故牟以井
甕海鯢所見不同使知是非之所起妙論之
所有斯可以登天徹泉夷然四通始於玄冥
契虛合無而反於大通與道爲一也今徒以
區區口辨而欲窮莊子之道無異寄
陵餘子學行於邯鄲直匍匐而歸耳

莊子釣於濮水。楚王使大夫二人往先焉。曰。

願以竟內累矣。堯莊子持竿不顧。曰。吾聞楚有

神龜。死已三千歲矣。王巾笥而藏之廟堂之

上。此龜者。寧其死爲晉骨而貴乎。寧其生而

曳尾於塗中乎。二大夫曰。寧生而曳尾塗中。

莊子曰。往矣。吾將曳尾於塗中。

則名器非所負矣

義海

莊子辭召以神龜爲喻義甚真切蓋賢才之士爲國排難圖治實有賴焉而成功患集身或不免猶龜能靈於人也昔陶隱居畫二健牛以答詔一拘窘於鞭繩一優游於水草亦此意

惠子相梁。莊子往見之。或謂惠子曰。莊子來欲代子相。於是惠子恐。搜於國中。三日三夜。莊子往見之。曰。南方有鳥。其名鵩鵩。子知之乎。夫鵩鵩發於南海而飛於北海。非梧桐不止。非練實不食。非醴泉不飲。於是鵩得腐鼠。

鵲鵲過之。仰而視之曰。嚇。今子欲以子之梁國而嚇我邪。

通義

此二子相識之因後

漸交

密是以有過墓之悲

義海

鵲得腐鼠而嚇鵲鵲又何足以

知練實醴泉之味。碧梧高潔之棲哉。

莊子與惠子遊於濠梁之上。莊子曰。儵魚出遊從容。是魚樂也。惠子曰。子非魚。安知魚之樂。莊子曰。子非我。安知我不知魚之樂。惠子曰。我非子。固不知子矣。子固非魚也。子之不知魚之樂。全矣。莊子曰。請循其本。子曰。女安

知魚樂云者。既已知吾知之而問我。我知之

濠上也。

通義 游濠梁正天機活潑中心無累時也。見魚而契其性。本無可言。惠子遂言起識。遂生辨詰。循本者指點初游未言之時。習次自適。故曰知之濠上也。不在濠上不知魚樂。見草聞驢鳴。天機觸於無心者。

義海 明已性者可以通物。故天下無遁情昧已性者。無以知人。故在物多滯迹。莊子之知魚以性會之也。惠子不知莊以形問之也。驟讀此章。莫不喜惠子之雄辨。視南華之壘若不足攻。暨聞循本一言而五車之學無所容。喙則惠子之本可知矣。經中往往力救惠子之失。未有若此二字之切至者。蓋使之反求而得其性。本通乎物理之同然。則彼我無間。

於大情動寂皆歸於至理奚待入水而後知
魚哉再詳經文謂莊子不知魚之樂全矣全
猶必也猶言全然不知魚樂之意碧虛以樂
全名章似失本旨今擬名循本章庶協經意
褚氏總論是篇以秋水命題設河伯海若
問答喻細大情粗之理明道物功趣之觀
各本自然無貴無賤成敗得失時適然耳
翻覆辨難卒歸於無以人滅天無以故滅
命則求之性分之內而足是謂反其真有
非言論意察所可及也次論夔蛇蛇風之
相隣喻人以才知短長爲愧衒而弗悟天
機之不可易小不勝之爲大勝也信明此
理則物各足其分何所憐哉無所憐則無
所慕故企羨之情息分別之意消斯爲要
極也歟孔子遊匡而臨難不懼知命由造
物非匡人所得制也若爲橫逆沮屈何以
見聖人之勇非鼃海鱉卽前河伯海若之
義而歸於達理明懼物莫能害謂世俗沉

濁所見。隘陋雖知有聖賢在前。強欲企羨。偷餘子學行。反失故步。蓋以所短而希所長。越分而求。非徒無益也。至論神龜寧曳尾於塗中。鵲鵲豈晉情於腐鼠。皆歎時之濫薄。傷道之不行也。終以莊惠濠梁之論。言物我之性本同。以形間而不相知耳。會之以性。則其樂彼與此同。卽人之所安而。知魚之樂固無足異。而競言辨之。未忘性命之本者。斯爲可怪矣。此語非獨鑢惠子之膏肓。所以警世之學先生之言。而媛姝自悅者。無異河伯之自多於水也。故以結當篇之旨云。

至樂第十八

天下有至樂。無有哉。有可以活身者。無有哉。今奚爲奚據。奚避。奚處。奚就。奚去。奚樂。奚惡。

夫天下之所尊者。富貴壽善也。所樂者。身安厚味美服好色音聲也。所下者。貧賤夭惡也。所苦者。身不得安逸口不得厚味形不得美服目不得好色耳不得音聲。若不得者。則大憂以懼。其爲形也亦愚哉。夫富者苦身疾作。多積財而不得盡用。其爲形也亦外矣。夫貧者夜以繼日。思慮善否。其爲形也亦䟽矣。人之生也。與憂俱生。壽者惛惛久憂不死。何之。苦也。其爲形也亦遠矣。烈士爲天下見善矣。

未足以活身。吾未知善之誠善邪。誠不善邪。若以爲善矣。不足活身。以爲不善矣。足以活人。故曰忠諫不聽。蹲循勿爭。故夫子胥爭之。

事在屈辱之後

以殘其形。不爭。名亦不成。誠有善。無有哉。今俗之所爲。與其所樂。吾又未知樂之果樂邪。果不樂邪。吾觀夫俗之所樂。舉羣趣者。誾誾

胡疑

然如將不得已。而皆曰樂者。吾未之樂

也。亦未之不樂也。果有樂。無有哉。吾以無爲誠樂矣。又俗之所大苦也。故曰至樂無樂。至

譽無譽。天下是非。果未可定也。雖然。無爲可
以定是非。至樂活身。惟無爲幾存。請嘗試言
之。天無爲以之清。地無爲以之寧。故兩無爲
相合。萬物皆化。芒乎^音芴乎。而無從出乎。芴
乎芒乎。而無有象乎。萬物職職。皆從無爲殖。
故曰。天地無爲也。而無不爲也。人也孰能得
無爲哉。

題義此章大意言世俗安其危而利其菑樂
其所以亡者。故曰。吾以無爲爲真樂。又世俗
之所大苦。末證以天地無爲而結以無不爲也。
則其所謂無爲者可識矣。

樂論 人處幻境之中難遂者樂斯保者生故
是篇首歎至樂活身之不可必得而兼有使
人安其素分無所爲褫去就於其間則亦奚
樂奚惡哉天下所樂者富貴壽善厚味聲色
也而倚伏之機莫測美善不可常有下所
苦者貧賤天惡所求不得也苟遊乎物初則
已猶可忘何外累之能及今觀夫富者之苦
身疾作貴者之思慮善否壽者之久憂不死
皆疏外其形去道遠矣烈士之不足活身亦
猶是也故忠諫勿爭徐自以啓悟之則君無
過舉臣得盡職君臣之盛也若夫子胥因爭
以殘形亦因以成名誠有善邪無善邪觀俗
之所樂果樂邪不樂邪吾以無爲樂矣而世
俗以爲大苦則其向背可知故必知至樂之
無樂至譽之無譽者然後安於無爲始可以
定天下之是非矣夫欲求至樂活身者惟無
爲近之天地無爲而清寧故萬物
皆化人而無爲物惡得不化哉

莊子妻死。惠子吊之。莊子則方箕踞鼓盆而歌。惠子曰：與人居長子_子老身死不哭亦足矣。又鼓盆而歌不亦甚乎？莊子曰：不然。是其始死也。我獨何能無槩然？察其始而本無生。非徒無生也。而本無形。非徒無形也。而本無氣。雜乎芒芴之間。變而有氣。氣變而有形。形變而有生。今又變而之死。是相與爲春秋冬夏四時行也。人且偃然寢於巨室。而我噉噉_反然隨而哭之。自以爲不通乎命。故止也。

此莊之言不哭之故也蓋就衆人之習情者而開諭之也若莊之冒襟一了便了不必推求其歌者蕩滌其槩然者猶登木之歌倚門之歌也鼓盆登木自落也倚門滌人也

莊子妻死章以世情觀之人所難忘者而處之泰然何也蓋窺其形氣之始悉本於無雜乎芒芴有氣有形形生而情識愛樂無所不有至若親姻情好假合須臾耳惑者認以爲實緣情生愛因愛生貪滋長業緣生死纏縛害形損性一何愚哉真人痛憫凡迷方便開喻謂天下之物生於無成於有有歸於無此自然之理金石有壞況於人乎須以毒眼覷破世間使無一毫障礙青天白日萬古靈明固已無容憂喜於其間而又鼓盆而歌者寄聲於無情之物所以矯流俗哀號痛泣通用其情之弊若云易悲爲喜則亦不免於

偏見耳。列子載魏有東門吳者，其子死而不哭。人問其故，曰：吾嘗無子，無子之時不憂；今子死，與向無子同，吾何憂焉？此達人大觀，所以異於俗也。然則物外儻來不足介懷也，宜矣。桑字說之不通，當是慨然歎也。苦芴宜讀恍惚同。

支離叔與滑介叔觀於冥伯之丘，崑崙之虛。

黃帝之所休。俄而柳生其左肘，其意蹙蹙然。

惡之。支離叔曰：子惡之乎？滑介叔曰：亡。予何

義論

惡。生者假借也，假之而生；生者塵垢也，死生

爲晝夜。且吾與子觀化而化及我，我又何惡

焉。

之惡痛楚也子惡之乎憎惡也故曰亡吾何惡假之而生生者塵垢也言此身借太虛之氣會合而有生今柳又生於此生之肘亦如塵垢之集於器物之上耳人生曰

義海

按柳生左肘其語頗怪諸解畧而不論

獨呂註偶與管見同乃爲說云柳者易生之木左肘罕用之臂臂罕用而木易生喻無心無爲者之速化也夫肘動物也柳植物也動植異性形質亦殊動者俄化爲植在常情不能無怪然物受化而不自知故處乎大治之中者例莫遁焉倘悟吾生之爲假借塵垢則肘也柳也均爲物耳何所容其親疎愛惡哉由是知萬物與我同一化機然非靜極無以見所以滑介叔觀於黃帝之所休而化及之黃帝土德主靜休亦息靜之義靜者化之體動者化之用觀化而化身與化俱者也身與

化俱何往而非我此言有情化為無情者無情亦或化為有情至樂篇種有幾已下可見皆造物所為耳行小變而不失大常無適而非樂也

莊子之楚見空髑

音獨

髑

音髑

然

有形

以馬捶因而問之曰夫子貪生失理而為此

乎將子有亡國之事斧鉞之誅而為此乎將

子有不善之行愧遺父母妻子之醜而為此

乎將子有凍餒之患而為此乎將子之春秋

故及此乎於是語卒援髑髏枕而卧夜半髑

髏見夢曰子之談者似辯士諸子所言皆人

生人累也。死則無此矣。子欲聞死之說乎？
子曰：然。觸髀曰：死無君於上，無臣於下，
四時之事從然以天地爲春秋，雖南面王樂
不能過也。莊子不信，曰：吾使司命復生子形，
爲子骨肉肌膚。及子父母妻子閭里知識，子
欲之乎？觸髀深瞋，蹙額曰：吾安能棄南面王
樂而復爲人間之勞乎？

問 枕觸骸而卧，示死之不足異也。所問五
言而謀復其生，正人間之勞常情所述者，不
能棄所樂而復生，枯禪斷滅之見也。皆非天
機之自然也。若然，乾坤息矣。願世無情免夫。

義海

南華致

牖牖

五問

可謂

灼見

世情

憂患

之端據牖牖所答則雖有世患何由及哉觀
者往往於此反疑其樂死惡生誤矣蓋見世
人貪生惡死營營不息喪失本來之我則此
形雖存與死何異故立是論以矯之庶警悟
其萬一猶良醫之因病制劑損彼所以益此
其勢不得不然知生之有涯取溫飽而止不
多積以資業也知死之爲息則委而順之不
析忤而增戚也如是則生而無勞死而無苦
從然以天地爲春秋何往而非南面王樂耶
陳碧虛名此章爲兩謬所以破二見之惑其論得之

顏淵東之齊孔子有憂色子貢下席而問曰

小子敢問回東之齊夫子有憂色何邪孔子

曰善哉女問昔者管子有言丘甚善之曰褚

顏淵之見非他意非莊語也

有案

小者不可以懷大綆短者不可以汲深夫若是者以爲命有所成而形有所適也夫不可損益吾恐回與齊侯言堯舜黃帝之道而重以燧人神農之言彼將內求於已而不得不得則惑人惑則死且女獨不聞邪昔者海鳥止於魯郊魯侯御而觴之于廟奏九韶以爲樂具太牢以爲膳鳥乃眩視憂悲不敢食一

嚮

里轉反

不敢飲一杯三日而死此以已養養

鳥也非以鳥養養鳥也夫以鳥養養鳥者宜

栖之深林。遊之壇陸。浮之江湖。食之鱮鰕。隨
行列而止。委蛇而處。彼惟人言之惡聞。奚以
夫譊譊爲乎。咸池九韶之樂。張之洞庭之野。
鳥聞之而飛。獸聞之而走。魚聞之而下入。人
卒聞之。相與還而觀之。魚處水而生。人處水
而死。彼必相與異。其好惡異故也。故先聖不
一其能。不同其事。名止於實。義設於適。是之
謂條達而福持。

通義 此言世無大受之人。使帝皇之道
不能明。亦所謂不是知音不與彈也。

小不可懷大喻命有所成而莫強是皆
得之於造物無容益損於其間今回與齊侯
言先王之道將不契其素心則惑以為反復
其言矣故繼以海鳥之喻對大半而不敦享
聞韶樂而增憂此以已養養鳥失其本性終
於不飲食而死耳後又申言以鳥養養鳥之
意使求其所適而合其性情則物我之養皆
得是以聖人不一其能順物性之自然也
不
同其事度人事之可否也故名止於實而不
浮義設於適而不過此條理之所以暢達多
裡之所以
扶持也

列子行食於道從見百歲髑髏按撻蓬而指之

曰惟予與女知而未嘗死未嘗生也若果養

乎予果歡乎凡物種有幾得水則為鼈近澤得水土之

野中尚展

車前草

委實

際則為鼃蟪之衣。生於陵屯則為陵鳥得鬱。

棲則為烏足。烏足之根為蟻蟪。其葉為胡蝶。

蝶名

胡蝶胥也。化而為蟲。生於竈下。其狀若脫。其

名為鵲掇。鵲掇千日為鳥。其名為乾餘骨。乾

餘骨之沫為斯彌。斯彌為食醯。願輅。生乎食

醯。黃輅。生乎九猷。瞽生乎腐罐。

音

音

音

音

羊奚比乎不筭。久竹生青寧。青寧生程。

音

音

音

音

音

音

音

音

程生馬馬生人。人又反入於機。萬物皆出於

機。皆入於機。

道義生機不息無所不爲入於機自有而無也出於機自無而有也此舉一端以見之也庸齋謂墜者水上塵垢初生苔而未成者遺蟪之衣苔近岸則厚故曰衣馬與人本是草却不明言此其弄奇處是也

此章自種有幾至馬生人詳見列子南華舉差畧其文夫動化生植之理耳目不可徧及非知性君子不盡其故也苔極論物類變化之不常以明人世生死去來之不足怪但知有不化者存足矣按經文所載雖未悉通結以文義考之當從二醢字爲句次九猷腐蠃次羊奚至清寧爲一句參諸音義亦然成法師疏乃從願輅黃輓替苒爲句恐非經意陳碧虛照張君房校本作斯彌爲食醢食醢生乎願輅願輅生乎黃輓黃輓生乎九猷九猷生乎替苒替苒生乎腐蠃腐蠃生乎羊奚羊奚北乎不筭久竹生青寧云云此則排句

整齊第加衍太繁文無變體非南華文法也
續考列子註引爾雅熊虎配豹山海經南山
多貔豹郭璞註豹之白者貔程
是貔之別名貔又豹之別名也

此篇褚氏不爲總論意其指無不明也卽
其以至樂名篇首唱無爲繼以死不必哀
疾不足惡且意死者不願生則以有爲之
累明矣孔之憂顏蓋見有爲之徒勞不若
順物守己之不擾未引列子乞食一段以
見物化之無窮智慮不能測終於無爲而
後已也